




0





所安遺集



元進士長沙陳泰志同著

鄉貢進士曾孫朴編集

鄉貢進士教諭玄孫章訂定

賜進士第監察御史來孫瑤刊行

賜進士第內江知縣來孫銓重刊

天馬賦

考試官批氣骨蒼古音節悠然疑熟於楚辭者然  
不免悲歎意疑必山林淹滯之士天門洞開天馬  
可以自見矣

所庵遺集  
松鈔本





若有龍兮渥洼之子滎河之孫批便奇崛產自月窟來于  
大宛筋樞竒而帶脊兮內磊砢而峰巒精神變化不可測  
兮上貫乎星房之垣朝蹠蹤乎河濟子晡沒影乎崑崙雖  
有銜勒不暇顧兮彼輿隸其焉能援批筆氣飄々昔遭時  
之孔阨矣伏阜樾而中顏隨鴛鴦而並駕兮又或駟逞而  
相欺啖芻菽而不飽兮若豆菽之可欺期軛鹽車而登太  
行兮路岩堯其險崎羲和迫而將晏子勢蒼黃而摧姜批  
瀆之悵然翻々之伯樂兮道安適而逢之汝然為子涕兮  
爾何困乎此歎批竒氣可掬世貴賤之不分兮信焉用夫  
駿為解劍佩以為質兮吾將待子而西歸欲埽空夫大漠

之野兮寧轉玄圃而騰崦嵫不然乘雲躡風載周穆而遠  
覽子造王母乎瑤池於是天馬俯首噴沫振鬣仰吁物固  
各有所遇子遇固各有時向微子之超越兮骨委絕其誰  
知批有司雖非伯樂能不為子刮目邪縱逸氣之凌厲兮  
獨不為子而徘徊倘一試而遽舍兮駕鼓車子何悲伯樂  
復歎而為之歌曰批可謂寸駿天馬兮風駿批竹耳子夾  
鏡瞳少不自見兮老愈工嗟哉躒躒子吾知爾之為龍

留別歐陽玄魯伯昭二同年

麒麟骨骼虎豹文當年湖湘談兩君胸中磊落當徑史豈  
獨下筆空凡羣貴戚權門皆倒屣南北風雲會於此談笑



真堪魯仲連風流亦到歐陽子玉堂萬卷圖書新  
再翳鳳駝星辰天孫雲錦不浪穢帝傍已染紅薇春  
我身亦生大國楚尊前作歌能替舞屈原賈誼今已矣  
世間人才可數

題趙子昂畫馬歌

九原駿骨埋地中一夕盡化霜皮松畫史刻松作神墨掃  
出麒麟帶松骨烟沙漠披風鬃精氣炯房星同天山  
無人草木白西極日沒黃河東時平使汝困轅軛不得變  
化騰為龍黃金擲送燕臺下當日君王惜高價自從汗血  
去人間老死英雄空見畫千年祇說曹將軍弟子韓幹終

無聞今之畫者趙翰林嗚呼三晉賢子孫

贈思齋郭處士

先生奚為箕穎之清幽忽思洞庭衡岳而南遊南方風氣  
未泄宣泄浩與嵩路相沈浮二百年冠冕黼黻亦已極猶  
有存者弘璧琬琰琳琅球先生志趣好奇古欲使天祿四  
庫躋藏收天高日月衛辰極五十五度當中州遺徑不肯  
列韓魏精舍徑為河南脩郭大梁人今擬創河南書院集  
羣書於彼河南司馬溫公二程夫子堯夫先生也吾聞清

廟貴茅屋丹刻踰制非前猷周公不公孔不邱悽愴誕幻  
蛇為牛撞鍾吹螺日鼎食紺宇珠蓋王公侯朝神雨露不



分別稂莠遂勝嘉穀秋我居道德仁義宅竊為祿補中心  
憂先生但看持鉢化圖構梵刹為身謀其徒數千人遮道  
更唱咻高明之室鬼所闕頃刻布地金錢流嗚呼民生衣  
食唯粟帛獨不念靈光殿古梁棟折

贈琴士呂中谷

象環榻具青綸中路人喚作回仙人茆君洞裏醉千日至  
今彈得華陽春我貧無琴亦無酒提壺問字皆琴友三梧  
一曲墨淋漓白雪花飛滿晴牖前年醉倒蘭溪邊水雲沃  
以松風絃醒來月色浩如瀉今夕對月空潛然嗚呼水雲  
不復起徐公樂章呂公指維無老成有典刑為我臨流瀉

秋水

秋江釣月圖歌

秋谷李平章所善客鄱陽葉天文隱居不仕其行  
卷曰秋江釣月圖同年魯伯昭濶里吉思贈之以  
詩屬余次韻

青蘿斷岸苔如髮天清水落魚龍窟中有江南湯浪翁獨  
棹秋江釣明月秋江月白芙蓉深扣舷夜和江神吟不須  
槎上泛牛斗瓊樓玉宇空人心千年白石今可煮一掬泉  
香搗雲母富貴知君已厭看翠黛紅粧夢中舞人間月色  
儘風波聞道君家月最多我亦扁舟下壑蠶到門相訪定



何如

將離京師別李朝端陳伯奎二同年

陳生射策未三十筆箭如鋒不破的自古英雄感慨多直  
比臯盧懸一擲文章有命不論巧得喪窮通兩何惜吾州  
二妙真豪放白壁明珠炯相望蜚英已邁昔輩先通籍還  
兼伯兄行霜蹄歷塊千里空風采承恩九天上我辭君歸  
春正晚天風吹飄落花滿青冥浩蕩南極深白日波濤洞  
庭遠感君惜別重徘徊令我長歌激肝膽雲山之東佳氣  
濃磔裂華蓋晶熒通紛鸞鵠好羽翼莫笑垂翅南飛鴻

朔方歌

朔方大野何寥哉悲風慘淡後天來初如巨壑吼陰浪忽  
似晴空行怒雷巖風吹霜石為裂淅瀝飛沙砭人骨萬里  
書生二十餘足馬來為朔方客朔方之人胆如斗不鬪才  
華鬪身手無復悲歌慷慨聲猶能使氣屠雞狗憑高仰視  
太行山、氣空濛紫翠間東西日月自吞吐今古烟雲相  
往還太行勢盡西山起鳳舞龍蟠聳神偉昨夜燕支雪作  
圖散落飛花漢宮裏朔方猛士氣凌雲白首防邊未策勲  
馬上相逢淚如瀉嗟我何為朔方野

與同年鄒煥同歸舟中望太行山和前韻

我行訪道真勞哉豈意萬里逢君來琳宮誤落丹篆筆驚



起雷火龍池雷龍池雷息丹篆裂蝕食真銓竊仙骨投筆  
歸來帝未知長揖金華紫微客相携歷井捫箕斗側身太  
行一揮手俯視蒼茫八極深始悟丹徑一芻狗舊傳石髓  
在茲山愴恍靈光石縫間可憐中散殮不得王烈一去何  
年還九原劫灰無日起我獨從君探竒偉君知混沌非死  
生我亦空同無表裏我詩寄謝山中雲采芝種木非殊勲  
太行山傾河絕瀉此時正到無何野

邯鄲道上書所見

馬羸、車碌、古道茫、沙撲、帽翻、袖速、丁、零  
零西番徑軋、刺、單于曲西番徑無人聽單于馬上琵琶

沙原作砂

琵琶聲烏紗辮髮雙娉婷不知是河西不知是女真有時喚  
驢兒玉色微生嗔東風日暮邯鄲塵去、共踏長安春往  
來只在都門下可笑相逢不識君

雙瑞吟

平水張仲彬余同年友也男女同日而誕詩以慶  
之余昔為張贊梅竹云吳門幽栖不可奪志付之  
和羹正在爾子一竿兩竿籜龍晚出

蚤生男晚生女蚤晚參差愁嫁娶羨君男女同日生嫁去  
娶歸無可慮君家主孟筋力強抱哺喜聽啼宮商高堂記  
我梅竹讚大笑此識非詩狂君不見鄴城斗酒結雙瑞一



朝飛入延平水一雄一雌本同氣復來平水為兄弟張公  
神物會有時雪花芙蓉照天地樂哉張公我同年我今入  
室憂絲、封侯作妃兩不願但願多種南山田十年坐老  
京華檀西風落木行湘川別君上馬且歸去嬉笑牽衣亦  
可憐

贈張仲彬黃石公素書并文昌像

贈君留侯跪履幽渺之遺編脩以文昌示像天矯之飛鸞  
兩公往者為時出蒼姬再造炎劉端浮漚變化不離世而  
我未見徒長歎世人欲學不死訣強以體殼留神丹豈知  
英槩自不死明月照海秋空寒前身孝友侯者仲後身忠

雲山之間四字  
重見疑誤

憤人書韓君胡為乎雲山之間雲山之間七十一峯下有  
七曲橫江子房赤松乖崖霜後鷹希夷霞外鴻又何必華  
山白雲千重萬重攜吾書兮吾山中爾從兩君子或往或  
來躡層冰而把芙蓉

雲朋歌

蒙古字學汪椽婺州人扁其室曰雲朋將歸江東  
索詩為別因賦雲朋歌以餞之

九疑冥、天素秋大江茫、東海流竹黃梧老鳳皇愁白  
雲孤飛誰與儔金華美人弄桂舟翩然乘風來遠游酌子  
一杯酒送子黃鶴樓古來管鮑餘荒邱至今寒松相蔭雲



相酌商山黃倚成長往富春羊裘空悵望安得夔龍蚤蓋  
簪與君共致青霄上

### 梅南歌

陳椽南仲種梅滿屋扁曰梅南介其友譚志仁求  
詩於余作此以贈之

空山舊種江南春舍煙照雪疑幽人幽人自看種梅趣醉  
擁瓊樹敬香巾去年隨春過江北十里春風杏花白北人  
不慣種梅花失笑南人惟看雪梅南仙兄乃爾奇傳岩骨  
相吳門姿上書未可掛冠去要見着子和羹時

### 碧雲引

贈相士高雲卧

碧虛道人結茆屋千箇萬箇琅玕竹碧水冷々冰雪生虛  
中蕩々乾坤宿風吹碧雲行竹間時與白雲相往還道人  
振策出雲外長笑始知雲未閒華山高々門不閉頭髮鬢  
鬢吾欲睡被渠苦勸出山來面頰無光眼睛翳試問渠又  
無語一碧虛明或歸去桃花流水幾春秋如此天地吾何  
愁

### 梅花五友圖

古人一水畫十日今我此畫凡幾筆生銷數幅畫水石獨  
立寒梅妙難識當其痛飲三百觴胸蟠勁氣不肯降龍牙  
弄泉噴白雪鶴翅揆漢飛玄霜瀟湘之濱渺平楚望美人



予在南浦夢回殘月照寒衾忽見瑤臺澹粧舞此時見畫  
心悵然吟蛩落木秋無邊化工知我惜花意墨香到時花  
能言長松飛來感成卷竹色蘭芳靜相見吾廬雖小物色  
多不待更買鵝溪絹

### 黃石歌

黃精瘦硬無人食后土歲形化為石元氣冥冥兩竅通照  
見日月相出入劉郎天台歸赤手把突兀山神夜醉失摩  
訶洞口朝吟空嘆息蘚痕蝕盡花雨乾三月桃膠凍蠶密  
請君愛護雙玲瓏曾蒲綠葉搖春風試采松根殮石髓杖  
藜同訪穀城東

### 松障圖歌

何人獨立身堂々十八公子鬚髯蒼凝冰不遣勢摧折清  
籟時與鬣低昂蘭為兄兮雪為友燕坐松間自呼酒眼花  
耳熱鱗鬣生千尺龍蛇入揮手々中松月自離筆已見烟  
雲生翁鬱倘非白畫堂宇空真恐幽陰鬼神出平生始識  
顏平原堅苦飽勝甜中邊世間畫史千金價惜哉此松不  
多畫

### 牧牛歌

我昔維舟彭澤縣東村西塢都行遍茅屋深林十數家數  
家茅屋連秋甸老翁七十簑笠歸門外繫牛桑下飯平原



過雨草生香遠岫餘暉烟似鍊牧兒騎牛不知倦吹笛山  
前任回轉自矜牛背穩如舟我笑舟行命如綫况是箇箇  
日相見辭家萬里非吾願非吾願歸來耕稼逢秋早田間  
對酒空長嘆

紙帳歌和全初上人韻并柬劉光朝時朝納寵故戲  
之耳

道人於事百不聞歲晚鶴骨誰相溫禪林靈光薄如霧宜  
月宜霜復宜露夢回蘄竹生清寒五月幻得梅花看初疑  
脆膜輕無力一片疑秋剡中色道人巧手天機深兩杵獨  
伴階蛩吟卷舒似聽桔葉音珍重莫遣烟煤侵百年富貴

誰能免錦幄彤廬語恩怨可憐老楮歲寒心用舍在吾難  
自薦君不見燕山穹廬毡百幅狎坐圍春醉紅玉道人不  
學製戎衣空羨南山卧茅屋安知幕天席地一希夷長共  
青山白雲宿

### 湘雲歌

宋玉當年作雲賦夢中直與雲相遇心雖拳，未忘楚何  
不放雲出山去徒使襄王朝，暮，行而處君家西江西  
合共西雲住胡為獨愛湘浦雲姓氏幡然不分付吾聞宜  
春舊湘邑無迺湘雲返其故又聞昌黎逐東野四方上下  
雲同趣君縱不來雲亦度洞庭波寒秋葉稀湘雲冉冉生



君衣岳麓峯前呼白鶴銜出滄洲老子明月隨君歸湘雲  
吳雲誰是非

天嶽圖歌并叙

雲間康鍊師來自岳陽稱其友蔡素蟾好道之篤  
乃作天嶽圖以寄徵余題卷末岳陽余舊游也爰  
集杜陵句以贈之

知君重毫素好手不可遇壯哉崑崙方壺圖對此興與精  
采聚雲來氣接巫峽長影動倒景搖瀟湘  
妃漢女出歌舞矯如羣帝參龍翔大江東流去忽在天一方初月出不  
高照我征衣裳憶昔不尋小有洞青楓葉赤天兩霜先生

有道出羲皇晚有弟子傳芬芳神仙中人不易得今我不  
樂思岳陽蔡侯靜者意有餘感懃豪貴耽文儒致身福地  
何瀟爽幾歲寄我空中書

蘇公穎湖觀月聽琴歌

使君畏謗如畏虎一生坐詩招謗語使君得穎如得詩日  
日穎湖作詩主湖邊月落秋聲乾畫船徑作三人看小兒  
解事笑起立我琴正要素君彈可憐彭城不肯飲對月吟  
詩骨清冷曲終月落讀渠詩憂樂死生真幻影舉觴酬月  
月豈知三百年後我爾誰君不見紫麟山前湘水碧一笑  
相看月應識



引龍珠歌

龍溪潭

輔奠其室於歙湖之兆於穴中得異石  
焉喜而名之曰引龍珠求其友作詩索予知之

歙湖之陰龍蛻骨常見羣仙與龍集一朝掘地得龍珠暖  
霧濃嵐光不沒黃肪細滑凝土脂紫暈斜迴帶泉脈怪來  
歙湖雲氣黑何代何年有奇跡乃知非龍亦非珠玉女明  
星散金碧不是青囊一卷書咫尺幽冥冰相隔蝦鬚鱗眼  
即龍媒罔象羶羊應龍出精靈感動誰得知一笑看珠纓  
斷絕君不見吳城山洞庭浦劍氣飛空人共覩當時蛻蛇  
頤其母一念能回帝闈席淚花落石盡成珠石固知相

比數君家兒女亦純孝見石思親意淒楚惜君死，在中  
路虛幌寒衾自朝暮蜀國蛾眉自可憐石鏡沈明照千古

桃花硯歌

陳荳材忽得一折足桃花硯作詩屬諸公和其韻

楚山仙人百好足篋笥深藏紫潭玉泓池暖溼暈苔青取  
出摩挲面俱熟我亦因之三嘆息六怪曾棄咸陽陌秦人  
洞裏桃花春硯石生花帶春色漂流於世君能得研盡玄  
霜石為折吁嗟忠臣足見刑痛入肝腸面黧黑晴窓再試  
春雲空雲爐烟不動紅蘭熏時平諫草用不靈聊與騷客  
供吟情



奇石歌

吾鄉彌陀寺有僧歲奇石云譚樵翁故物俄而譚  
君雲隱若洲諸昆季同游適見處之及歸各欲問  
道往致先為雲隱持去若洲蓋不能平也雲隱字  
仲翔祥若洲字仲張

翔誤

禪房柱杖驚衆禽只尺嵌空生太陰諸君雅興在邱壑陡  
覺突兀歲胸襟因言牛李灰飛日卒原物化餘茲石沉淪  
歲久雷電知迸裂須彌罈中出金仙化作浮海瓊異事驚  
起羣龍爭天驚雨逗補不得謗解人間千日醒山僧談空  
兩華息稽首持贈家四壁雲邊老隱先得之竟使若洲懷

痼疾蘇公正愛仇池盆晉卿畫馬空駿奔不知君家伯仲  
好許分半席同朝昏我思世味真如蠟留取寸田并尺宅  
他年歸卧意何如洲上雲邊一間客

茶竈歌 時寓興隆為蕭蘭雪賦

長安食肉多帶頭大鼎六尺誇函牛搗鍾考鼓燕未足鼎  
折還驚覆公餗山中儒生守蠹魚一朝射策升天衢居官  
廩祿不及口釜甑長年滿塵垢一貧一富俱可傷一飢一  
飽俱亡羊今我閉門學祀竈祠竈何用神仙方敬為告曰  
竈兮竈兮但使我生不富不貧適飽適飢朝從爾殮夕從  
爾糜時時得佳茗與爾同襟期君不見青原山紫芝客獨



立清風洒蘭雪蘭雪堂中一事無茶竈筆牀相媚悅方其  
煮茶時自撫一曲琴聲落茶鼎宛若鸞鳳鳴客來固自  
佳客去情亦適坐看茶烟靜松鶴飛相及烹茶得趣惟此  
君傲晚鍾鼎如浮雲名章俊語出肝肺白雲璀璨蘭芳芬  
蘭芳芬雲萼萼瀉入磁甌碧香滿更從龐老吸西江却笑  
玉川論七椀

南山歌

贈方誠父判官

岳麓山前一葉舟夜看明月湘江流湘江月色流不盡洞  
庭漠君山秋回舟喚美酒醉卧湖上樓華陽仙人吹鐵  
笛吹起白浪蛟龍愁明朝布帆向何處直到南臺山下住

南臺山窈窕路近桃花源上有吟風之黃鵠下有嘯樹之  
青猿君家別墅南山下翠竹千畝如淇園昔君華省乘驄  
馬出掌銀臺重聲價如何此際不相逢歲晚論交孺子亭  
亭前秋月照湖水宛轉南山如夢裏復從此別心氤氳西  
山望斷南山雲滄浪有約須乘興把酒南山更共君

擬范增碎玉斗歌

鴻門醉兮幕張黑雲壓兮芒碭臣今莊兮起舞伯何為兮  
誤莊重瞳兮日光高準兮龍章風塵瀕洞兮誰虜誰王臣  
所惜兮惟王之玦斗可碎兮首亦可裂嗚呼爾為佐兮為  
忠臣千秋萬歲兮爾楚無人



擬虞美人歌 項羽堅壁垓下夜燕悲歌美人虞氏

和之予因廣之云

王倍漢力王輸漢時漢購王首王出安之莫愛匪妻莫馭  
匪驢，不能言妾哀致辭，曰星熒，兮隕空淚洒，兮  
營中妾生誤王兮死無終楚猶競兮天回風王乘驢兮去  
為龍妾歸骨兮江東

送康仁壽之衡陽

蒲之漬兮所廬我朝夕游息俱今子不樂將焉如彼衡陽  
為名區蔚俊彥博詩書子之往也勿躁勿踈毋訾毋譽一  
龍一蛇張歛卷舒吾送子行兮夕陽兮平林倉庚兮春深

臨觴愀兮罷鳴琴望飛鴻寥廓盡寄我以遺音

九日碧溪太守秋巘別駕約會定林寺游翫座間因

和碧溪之韻

如澠之酒璫為觴山公携客酣高陽清談竄喜得支遁法  
雨晝下天花香當時涕淚神州冷枉煞參軍醉中影至今  
江左舊英雄猶向新亭看風景夕英可殫不可肥苦吟莫  
作蟲聲微城頭日照畢逋尾五馬興逐晴雲飛百年心日  
易為眩社燕相逢又秋鴈後來二客記風流只有青山臨  
斷岸

奉和趙秋巘閏七夕樂章



翠鳳毯，刷新羽。一霎香車洗塵宇。秋衣老盡畫屏空。小扇無人拜星渚。武丁去作宮門仙。昨暮重開青瑣烟。長河十日一到海。三疊回波金碧新。鮮剛風洶湧太古裂。天上至尊寧晏眠。六龍西行鼓聲急。芙蓉卷露旌旗溼。今年烏鵲窠辛勤。秃尾爬沙向龍泣。祇憂帝怒星為石。八極長懸曙光赤。鵲飛入海。未回化石相望見何日。

謝秋巘杭筆之惠

公乃趙故忠靖公之孫時為茶陵別駕

清晨學作小楷書。忽有兩生來坐隅。懷中出贈使君句。岳麓秀氣連西湖。西湖製筆天下無。我欲達至道路迂。使君

蓄縮廟堂手。吏退聊以詩為娛。臨池念我筆久秃。傳教遣與朝夕俱。陳玄葉面畧不省。偶見拂拭還驚吁。松雪漠漠。弄幽態妙處欲寫旋已逋。遙知湖面好秋色。綠水一帶明菰蒲。安得從公幅巾去。小艇盪月輕如鳧。吳兒短歌我長嘯。看君數筆杭州圖。

題蒼龍戲海圖

天孫織雲春錦紅。玉梭誤入乘剛風。一夕變化雲冥濛。海水起立為珠宮。坐今年。機杵空誰與黼黻。上帝躬求梭不得。愁鬼工安知入君懷袖中。

送錢唐琴士汪水雲



三十年來喪者舊天下彈琴水雲叟猶疑俠氣世間無自  
說蹉跎晚何有漢宮華麗陰貴人臣忝近歲居宮門東觀  
初令習書史寶詔再直行絲綸熙明殿中早朝罷仗內三  
輦扶皇君昭容傳詔促侍燕屏棄舊樂嫌續絲調絃始學  
鳳皇語度曲便覺聲有神銀山千片潮捲雪天馬萬匹風  
驅雲龍顏正色動一笑錦幄勸醉葡萄春今時富貴眼看  
盡異域飄零心尚存流傳弟子竟誰在散落江湖嗟獨聞  
人生底用夸長健白首青衫淚如綫尊前指法鬪呼韓玉  
腕香餘夢中見

十二月望雪集守一訪予出示一木禪師所和海粟

玉壺歌且邀見一木談話臨別補韻以奮為他日  
證印張本云

高人未厭枯槁質白雲舒卷世莫識凌雲跨海玩九州笑  
指須彌去天尺法筵龍象精護持千万人中初見一分明  
一水在手中冑為旁人更拈出入門載拜麻衣僊竹爐芋  
火深無烟

天眼有活法疑我骨相非僊緣空堂樸花淨寒玉暫借蒲  
團參一宿訪方大義香難聞直把真源到凡俗清夜瀾翻  
舌如水狂花洗盡今餘幾人問功業等飛塵往積聚成  
高陵安得慧劍光凜然時起頑鈍相磨鑄幻身種是煩

二詩疑本一首  
脫二字原亦空  
十格提行以誤



惱偶見華髮驚行年寸田焦枯不生穎性天一失何由全  
窮是雖窮亦有福我願携鋤耕衍沃問師此去來幾時明  
月千江同一掬來時問我事何如擁褐裨林殍糲粟遠林  
試作獅子聲顛倒虛空自捫腹世人唱曲未知宗更向誰  
家覓機軸與師携手遊青都太古一息天為徒還丹臭腐  
今已無為公踢却壺公壺

丁都護

城西夜歸戍婦孀哭甚哀為述其情

丁都護妾夫已死長辛苦結髮相從畏別離身不行軍名  
在府去君年為君製袍衣期君報國封侯歸紅顏白面莖

鄉土反媿老大征遼西遼西縱不返馬革垂千年君今莖  
妾手空受行伍憐相思墳頭種雙樹慟哭青山望歸處妾  
命如花死即休兒女呻吟恐無據當窻玉龍鏡照影弄春  
妍團圓不忍見結束隨君還願持鏡入泉下土照見妾心  
千萬古

醉書王玄德德聚亭

前日相逢一尊酒即欲寫向君家亭別來十日不會面胸  
次磳兀愁難醒憶我曾為帝城客，裏論交話疇昔玉樓  
絃管天下春醉舞楊花日西夕此時聚首情皆真雲萍轉  
盼難重陳高官坐揖小官拜九州四海知何人長安少年



更翺薄一餉飛蛟聚懽樂殘盃冷炙心已悲此士平生慣  
藜藿君不聞漢時豪傑稱東方列卿太史尚書郎就中亦  
有貧賤者感動星宿回清光為君痛飲亭邊月懷古傷今  
重離別丈夫有志江海深匣中雄劍知君心

嗟哉行和周卓翁韻

我聞子房一身皆俠骨萬死計中無一活當時志在報韓  
仇四海無人九州窄又聞荆卿重義世無有擊筑悲歌一  
杯酒當時感激為燕丹可惜臨終無好手吁嗟今之人何  
登天子攀龍而走山兮騎虎世事良難獨輕許感恩報怨  
兩俱非強弩千鈞博鼯鼠東家嬉笑西家哭朝見揚眉暮

顰盛綠珠樓外斷腸花紅蠟中帳中流淚燭榮枯代謝皆  
如此遺恨姚黃羞魏紫古來賢聖少成功不及乘雲廣成  
子絳雲如幕洲如雪卓翁哦詩真卓絕眼看齊楚等樗蒲  
楚失未應齊獨得雲來南山顛雲去北山麓稻種插盈田  
稻苗綠願雲作雨我田爾絃自直子爾鈎自由

送耒陽劉百川時為余領省檄而歸就赴永庠教

君辭蓬萊歸幾時我住空山那得知城南斗酒醉風雨春  
透兩頰冰融鬢長卿凌雲我何有萬里功名新入手著身  
天地即英雄忠孝千年堪不朽君方欲識顏平原我亦想  
像元次山浯溪石刻照肝膽勁氣長在滄浪間驛亭梅花



蕪溪水明朝紫微雨當止梅邊更說杜陵詩青眼高歌望  
吾子

聽玉壺彈琴

玉壺彈琴彈入風雷引六月涼颼吹酒醒忽然霹靂三四  
聲雨急軒窗色淒凜又為我彈箕山、中落花人意閒松  
風撼、度澗水彷彿猿狖啼空岩長清短清取次彈雲影  
蕩漾生秋瀾我為玉壺草數幅有聲無弦、陸續相約扁  
舟駐華亭雙鬢侍立長眉青天台綠蘿懸桂樹更攜此琴  
浙東去

貧女行

貧家養女纔十五手足如絲獨當戶阿爺前月去行商小  
弟伶仃未離母筠簋日暮挑菜葵倩人遠糴防朝炊簪花  
枝重黃垂額汲澗泉深綠照眉生時不得嫁時力卻喜夫  
家慣耕織堂前奉養老姑存姑為艱難少顏色夜來小弟  
報平安見說新年百計寬此身豈願獨溫飽父母養我良  
辛酸

翁仲行

白楊祠邊石翁仲雨溼苔痕宿泥重前人骸骨後人心邱  
隴華堂死生共盛時出入多弟兄身騎廐馬千黃金年、  
酒日酌寒食祇恐春風霜鬢深春風無情謝桃李流落空



阡轉隣里，中前日賣漿兒。簫鼓還來，墓新鬼草間翁仲。  
何足論榮枯，万事隨乾坤。田父撫劍生怒嗔，一朝慷慨彈  
雍門。

題劉光朝小景圖

時光朝得美寵於武昌，善琵琶，就戲之。

江雲慘淡，江風驕欲行，不行誰度橋舟中。漁父晚更急賣  
魚歸來，醉無力。漢陽城郭，鸚武洲我昔曾泛馮夷秋。如今  
此景，是何處，擬向劉郎耕煙樹。

題劉光朝歸牧圖

平湖草綠生春煙，斜陽牧豎乘烏韉。日光不動牛背穩，後

者喘息長繩牽。吾兒讀書嬾更魯，少小嬌痴那似女。微官  
食祿能幾何歲，羸駘踏風雨。

題東野石園阡

君家烏石園頭路，舊日空阡今日墓。我看高塚卧麒麟，誰  
似松楸馴鹿護。客來亭下讀新碑，颯々西風吹蒺藜。但使  
靈祠歌舞在，百年荆棘路應迷。

題安成趙如心孝感集

君家此集定不朽，前有紹興後德祐。喪亂干戈何世無，往  
往中間看愈醜。嗟哉祿養本人情，豈以不幸為身名。我雖  
異代偶同感，仰眠木風空屏營。



三月望日攸輿楚昭王廟觀樂舞以落花遊絲白日

靜分韻得靜字祠稱楚昭王聖帝

吁嗟人暴今方定同姓秦徐異衰盛君看羊屈復何存猶  
有遺民奉昭聖晶熒丹碧飛甍間彷彿章華渚宮靜四時  
歌舞尚巫覡三月鶯花滿城徑駢宮寶校爭曉出錦帶宮  
袍與春映卷髮盤龍劍士高細腰勒馬宮娥瑩熊君珥貂  
當警蹕鷺序稱觴儼朝覲麾幢影散綠雲飛絃索聲遲玉  
簫並我聞神靈本正直恐有憑依駭觀聽春秋未許僭王  
章尸祝寧應竊天柄

李陵縣軍遇敵圖為秦孝先題

壯哉射虎將軍孫惜哉扼帶邊軍魂旌旗半捲日光薄風  
吹野水秋無言生降孰與死戰樂天子未負將軍恩陣前  
八駿血為淚仰面不見咸陽門祈連山頭堆首藉將軍多  
馬今何贖

謝主簿有客曰李玉田隨君之京詩以為贈

大江之南長淮之北衝波浩蕩雲溟濛連檣挂席万里餘  
安得附翼於飛鴻謝公俯念老賓客玉田致以任安翁歸  
來東南月半弓賦詩一二當羣雄戰場妙思古有法嘆息  
羿毅良無工背城不肯合餘燼徑欲射策開天聰便有九  
事八為律造物亦蘇人窮燕昭臺前送落日望諸祠下



吟春風臨岐贈君鐵鳳栗他日歸來思老農

為秋堂題錢舜舉所畫吳興山水圖

畫師小景如傳神自昔水墨無丹青老錢變法米家譜妙  
在短幅開煙屏煙屏只尺互明滅去城霞倚山陰雪松風  
四月五月時坐定還疑棹歌發秋堂更隱洪堂都對畫却  
憶尊然鱸吳興山水雖可摹老錢丹青今世無

飛電引 寄簡魯樵雲祈雨有感

昔君賦魚，有靈夜挾震電飛蒼冥我藏君字入匣水墨  
光劍氣奔雷霆乖龍因此却相妒訶叱雷電悶烟霧陽烏  
薄蝕朱鳥官熒惑憑陵赤蛇度綠章封事朝九闕帝意鴻

濛閣者怒客從清溪，上來為言明府何奇哉清晨坐衙  
畫飛檄席卷太乙三山回怪來山前雨不過社鬼山靈獨  
欺我鳳岡熊峽百里間飄然忽西無不可遙知組轡行秋  
田老翁拜迎桑樹邊虎髯堂，有仙氣平原魯公作雷吏

贈譚海陽祈雨有感

東南夏旱天所惻豈為凶年惜甘澤南雲老守叩天公欲  
使疲民解飢色紫麟拔秀神所都中有海陽老人之仙宅  
海陽一生詩酒腸藉以麴蘖和天漿三更擲筆走風雨鼻  
息無聲雷殷牀蛟龍入袖誰敢索但見繞屋飛琳琅天明  
鐘動官長集雪浪翻空泥一尺海陽熟睡都不知清夢正



到華胥時夜來好雨百事足榴花吹香榴苗綠

漁父詞

蟬聲欲斷蟲聲悲江天月上初弦時漁翁身老醉無力稿  
首坐看雲離、痴兒不識老翁意苦道平生貧作崇賣丹  
買得溪上田昨暮催租人已至君不見長安康莊九復九  
雨笠烟蓑難入手人間萬事得誰知滄江夜變為春酒

全張秋海飲酒黃家樓和周卓翁韻

秋山木落黃樓高晴光漲眼如銀濤看君妙句傾瓊液涼  
州不復夸葡萄人生相知一杯酒千載陳張吾何有章臺  
走馬春意深莫遣飛霜到蒲柳想君一別行路難留君更

醉歌亭間瓢亭梅花好風月跨鶴重來更栖息

龍南縣早禱於沈公石室有感

黑雲重、起東麓俄頃狂風捲茆屋黃昏雨勢盡連山入  
縣滂沱四更足去年八月蝗蟲多今年奈此潦漲何方當  
饑饉復憂旱蠶老唯共尋千戈謠言誕漫俱難聽群吏詢  
謀起余病沈公遺跡在前山有念叩之無不應我窮落此  
荒隅中豈意神交得沈公頰香未息甘霖注如此嘉惠慚  
何功崑前古祠空餘竅我欲題詩沈公笑至人應物自無  
心歸路照翮月相照

贈遊學李生



隙光漸暗雲垂，啾啾凍雀黃桑枝。銅鑪茗椀共危坐，敲  
冰作雪廬陵詩。門前滄浪江水濁，門前新豐市。酷薄明朝  
南陵有新作，天台故人待高閣。

周谿南諸公游龍湖時予以病不偕和谿南韻

我家衡門接遙碧，曾約谿南螭雙屐。花時不往今已秋，慄  
慄望君空佇立。山非棄人，棄山三百六旬。何時閒風吹  
岩瀑，洒飛雪羨君。此日起人寰，溪南英姿古仙客。更許龍  
湖弄明月，雷公雨師莫久留。白石清泉吾欲得。

贈孟守容齋

漢世循良誰與儔，孟舒素業傳吾侯。雲陽久矣無善治，高  
者慘刻卑貪偷。詩書大體厭迂闊，几閣細故窮咨詠。差科  
無常，板籍廢紀綱。收斂衣冠羞更張，治可用重法如病沈  
痼。今公瘳七年，府推芋魁飯。昔似臯陶，今鄭產。吏畏蒲鞭  
祝頌，稀民思襦袴。吁來晚薄俗，方知德化尊。老成依舊典  
山中，幸有寬閒野。歸種甘棠蔽子孫。

萬里行

恨身不及生北方，出門萬里無贏糧。飢鷹志豈在狐兔，日  
暮啄雪猶彷徨。蚤年結束耻游俠，絕處季孟并李陽。樗蒲  
又不學，劉毅百萬一擲生輝光。從鱗暫脫騎鯨勢，弱羽徒  
干薦鷄章。門下雖通齊相國，馬前難拜北平王。歸來把鏡



但搔首科斗蟲魚負君久金章一笑雷電奔我豈終身合  
籍口錦鳩鴨綠芙蓉秋觥船卷月秦姬樓蛾眉為我歌世  
事何必愁東邊日出西邊沒南北生人俱白頭

別友

山中兮清援澗溜兮寒泉白日忽兮下照耿將判兮何  
言嗟公子兮豹袖愛我兮操執子之手昔河間之閣兮躊  
躇又不久曰吾愛子之館兮阿邱之隅彼場有藿兮可繫  
爾駒矚子佩此盟兮欲停心而返顧恐飛潛之異趣兮孰  
將慰吾遲暮望美人兮浩歌翳明月兮松蘿遐不念兮公  
子撫長鋏子蹉跎

贊呈平山王萬戶

將軍壯年不可羈走馬直上長安西腰間白羽淨如雪數  
肋笑射雙狡猊省中大舅汾陽子文彩風流正當世兩家  
勲業冠麒麟晚覺土郎更相似去年引見蓬萊宮雲衣跪  
捧贈天容歸來三軍盡呼舞幕中羽扇生清風將軍談兵  
用儒術幕下書生劍三尺槐陰滿地綠如山醉撫桓箏看  
空碧

次仲止秋蓮韻

故人別我烟水長獨愛雙井秋風香朝來遠寄湖上作中  
有片花雲裳幾年此花墮結息一落南國愁荒涼平生



薄命是天意未死何處無幽方中有娉婷美絕豔嫁晚索  
莫羞時粧君不見魏家湖裏載歌舞盪船不識誰家郎朱  
闌玉砌坐凋歇惟見野茨生中塘風流隔世在我爾貧病  
願欲辭杯觴欲將此語慙今夕誰遣露華悲清商明年烟  
水我更遠遠亭紅綠君無忘

魯山以筠櫛見惠侑之以詩因韻為謝

平生羨支離粟鍾薪十束肩高或踰頂會撮不諧俗爬搔  
既無施垢膩常所族故人相摩 蕪穢胡不劬試將千畝  
春製為五穀玉霜姿削蕪剗風氣合清稊疎疑雪照綜密  
比生綃幅紋深髮漸稀技瘖心屢覆雖云漸遭澆竟使光  
眩目可憐中書君潦倒賜休沐脫巾謝僚友領此分禍福  
何嘗勞念漬以爾供秦饋今晨獨何幸偶入鯨仙錄承言  
受何貶但願笑予禿更欲洒松風相從竹溪六

感寓

中道迫生理憂患未渠央用此較今古今常疑今世長息  
肩幸一憩忽已鬢髮蒼顛倒百年間悲樂安可量夢中逢  
故友相與傾壺觴舉觴夢即覺此酒誰復嘗草木依寒暑  
榮悴尚有當人生願異此弱質徒皇：喬松不可願放志  
聊徜徉

劉光朝席上和龍琴臯韻并簡和龍川



山中欲歸可歸可遲暮雲在襟袖亦有重來期劉侯好兄  
弟斗酒相怡、風流賀監山陰雪乘船馬上青雲姿忽疑  
鑑湖日又似天台時琴臯仙我為雲爾為龍願得千里萬  
里長相送人生離合誰得知山中且歸為君更換丹青師  
畫出尊前一段奇

謝送崖公所畫判官藥方書

我從海上歸不得海上方庸醫試啄吻食之斲人腸我從  
濠梁歸不得濠梁畫詩情鬱勃時強支何由化空山欲雪  
雲冥、道逢表兄雙眼青放方蓄畫能通靈快我詩贈憑  
丁寧君持此方為國醫黎民要使藥籠皆參苓君持此畫

獻賦凌煙閣要使天下將相皆褒鄂海頭不生斷腸藥

集民謠 其一曰苗青青

苗青、東阡西陌苗如雲經年不雨過秋半苗穗不實空  
輪困田家留苗見霜雪免使菜歲勞耕耘縣官催租吏胥  
急糶粟輸官莫論直勸農使不汝恤

其二曰蕨澄澄

蕨澄、新春食蕨留蕨根凌晨劇根暮蓋杵澁、大甕流  
黃渾常年春寒粉始凍誰信秋暑霜翻盆窮通有數今已  
識為死為生尚難測獨立蒼茫面如雪

和陸放翁白苧詞



美人獨宿青樓空素烟不斷楊柳風含情脉、剪刀裏一  
片湘江明月中去年秋機織雙杵裁寄征夫送寒暑望斷  
遼陽信不歸長夜停梭聽鸚武

渭城雨

滿、不盡陽關聲慘、欲訴陽關情長安千林万林柳此  
地行人一杯酒行人漸遠征袍乾添入何堪雙淚彈

秦淮月

沙頭薄暮生林樾烟水茫、沙雪白女墻夜靜潮無聲惟  
有中天一片月年、故宮照木杰年、商船照歌舞

蘭臺

渚宮飄、泛崇光青蘋吐花生晚涼屏帷忽動懸璫語  
娜腰肢欲輕舉吹雲吹雨暮復朝湘蘭吹老空寥、

陰山雪

漢家將軍愁失道關氏半夜雙蛾老祈連千丈酸風高日  
日羶車翻海濤誰憐中郎齒如戟誰憐昭君髮如漆

失列門故宅

北園之東隅數株桃與李上有黃落實下有羅生綺金窓  
繡戶綠珠樓芳草千花蠹晴綺秀眉窈窕揚袖中起手彈  
箜篌不見纖指一彈壽主君再彈壽帝子願君日醉千石  
醴玉骨童顏髮垂耳楊花雪盡草連空高樓月轉啼鷓起



詠雙芙蓉

雙芙蓉連理蕊不恨狂風頃刻吹只恐游人輕易折君莫  
折花有情不是同心眼前久還他同死復同生

賦桃實

狂風吹春墮紅雨碧蕪團香上芳樹東方小兒偷不得暗  
灑齊州三士血仙山日冷一萬歲黃土清埃遮海水海中  
無地種千年王母重來漢王死

偶成

濯足黃河水濯髮濟陽波清者去不回濁者其奈何碧海  
銀漢落九天瑤鏡分五湖不載宮袍去笑煞江東日暮雲

詞字類誤

遊太玄道院訪尹鍊師琴所師詞以入空不及見

塘蒲翳晨綠徑卉分春妍入門見龕燈白日如悟玄我從  
落喧囂淨地長無緣卒時山中景過眼誰復憐道人闕令  
家著論窮清堅荆扉圍松竹三叩神凄然咫尺不吾論况  
彼飛空仙

原空一行

秋陰坐

秋陰何湯，原野終日晦形羸起彷徨悄愴若有待山高  
蒼蔚尊谷狹漁樵對驚風西北吹祥雲偃飛蓋古來形勝  
場蟠屈自千載其間豪俊人生死迭相代幽光浩無窮感



發有時會若人世所乖邂逅不可再天運豈吾能沈吟寄  
慷慨

客有語予以衛生之術者其說流於固賦此以解之  
宇宙真逆旅形骸同贅疣古人有至樂變滅非所憂長生  
本無方徒以智力求終時受物化莽、蝶與周無周復無  
蝶靈運千年儔

偕猶溪諸公同遊青原山謁七祖塔步韻

青原山七祖塔悟真寂禪師乃六祖法嗣也其塔  
中舊有錫杖貝葉出塔之東為井泉者三一日雷  
湧二曰飛錫三曰虎跑清冽可愛皆七祖所開者

其初參曹溪六祖數契合石脾上具述張公無盡  
信國公文山皆有詩刻於后今併錄之

無盡詩云

一派青原出少林信衣到此只傳心尋常示衆無  
人會盡向廬陵米價尋

信國公詩云

空亭橫蝮煉斷碣偃龍蛇活水參禪筭真泉透佛  
茶晚鐘何處雨春水滿城花夜飲燈前客江西七

祖家

夢裏青原四十年六朝來覲塔中仙傳燈有記貝書在飛



錫無聲霜井圓石壁倚雲僧入室飯鐘繁樹鵲通禪看碑  
忽悟曹溪旨擬向人間息萬緣

和樵雲韻

來詩云沙溪石瀨鯨空釣蘿月松雲鶴

又書蓋余寄魯二弟用松蘿之字故魯用以荅之

玄風遠嘆結繩初小邑烹鮮特緒餘門外樹陰彭澤傳窓  
間草色鄭玄書醉看華髮惟詩在笑撫高懷與世疎聞道  
九霄鸞鳳集可能椽粟更隨狙

風清槐屋雨晴初僮僕炊菴午夢餘鶴怨北山羈客賦鯨  
歸東海故人書平生翠竹懷千古何日黃金遂兩疎忽有  
侯門來報事又將巾服困猿狙

遊定林寺和韻

一燈何處起千載續黃梅世與身俱幻吾攜影獨來山空  
鐘自響日澹鸛將回寄語沙頭鷺相逢慎勿猜

夜起

霜氣懸中夜星明動大荒竹深聞警鶴屋小近鳴蟬窸窣  
懷三語裴徊感一涼隣人不同詠長笛自相忘

送友人適衡陽

好去昌吾道誰能滯故鄉北懷雲萬里吟興月三湘浦闊  
魚吹浪天低燕語檣祝融青眼在南極想輝光

舍弟至



弟從故鄉至燈下情依書中數行字一字千行啼因從  
慈母心日夜望我歸誰憐在途路歲晏迷東西

戊戌元日

夢破空山曉晴光映竹扉一年今日始萬里故人非受歲  
無貧富隨時有順違忽驚青眼在池草絮依

隱几

隱几復何事欲憐還自憐夢驚渠是我坐以日為年榆柳  
傳新火菖蒲灌活泉離江上草又帶幾分煙

次胡誠齋冬至韻 是日辰時冬至

按麻數開除今年尚不如烟埃隨劫盡天地入辰時過客

留題字嬌兒稍為書東隣避世叟唱好和誰歎

馬頭館居

入夏樓偏迴推窗揖遠山柳烟籠岸碧梅雨着衣斑喬木  
年異幽齋日閒風無復見坐待暮鴉還

僧房

僧房吟坐久孤枕已中宵燈盡寒侵幌梅香夢過橋江湖  
殘歲逼風雪故山遙明日又行役天涯影寂寥

次尹立大韻

有力聊供世無家却累親獨憐為客意每向故人真枕簟  
風光入林塘晚色新一尊誰與共愁極好生春



鄉閩無百里歸夢祇湯。月色苦無奈秋聲已似寒悟緣  
更事入窮為讀書寬尚有東園酒煩君破恨端

次禾川賀思明遊衡陽

青原有佳士獨佩楚蘭芳敏手須擔窟何心念鹿場詞華  
堪應俗學業更知方早晚迎歸棹江花滿意香

送譚志仁

聚首分婚冠承家有別離故園花落後此地月圓時適遠  
誰前料臨期子自思湘船半鄉邑消息定能知

元日郊行

僧房夢初醒隨意得郊行茆屋炊烟白棊花埜水明酒旗

搖日影林鶴散春聲多少閒吟興東風第一程

秋夜次學靜劉先生韻

雨過月在窓竹影如掃墨起來秋滿庭露氣清可吸列宿  
木末明流泉草間咽何處一聲鐘悠々度林樾

題天湖菴

交柯夢四榮禽鳥集芳樹沿溪俯清泠濯足脫塵屨冲襟  
非慕禪將以澹浮慮道人下脩廊迎客喫茶去

次趙秋巖韻

鰲魚雖快意鸛髮上 桂樹招人隱梅花讓客清先秋

分袂月

淹留久夔蛭亦自憐



和筠軒公子韻

公子多豪氣

成如何賦佳句亦自愛秋聲老去

懷孤憤逢人媿耦耕江湖長翫安得話平生

湖中為客久溪上已橋成來往扁舟意存亡十載情奮友  
猶婉婉稚子亦將迎祇有疎狂在從時自變更

後段蠹損

所安遺集終

所安遺集乃吾高伯祖之所  
作者向未刊行于世先  
教華亭時適從弟仲華登進  
士第歸省于官邸忻然錄刊  
迄今十有五年矣不肖成名  
之晚至辛丑始叨名正榜外  
補內江令見其舊本歲久而



字畫間有剝落者乃謀諸銀  
臺從弟仲廉欲重刊之書諾  
其可遂捐俸銀梓以廣其傳  
非徒顯揚先祖才德之美于  
百世正以見我後人繁衍者  
非木本水源之所自歟  
成化丁未歲八月中秋日来

孫銓書于中川官舍

所安遺集一卷元長沙陳泰志同著歌行馳騁筆  
力有太白之風在元人諸名家當居道園之下諸公  
之上而名不甚著豈名位卑耶

右王阮亭先生跋



所安遺集一本為古鹽衙古樓馬氏寒中思積  
鈔藏本抄手甚精今為金德庭所得假歸展誦  
既愛其詩復愛其書法之妙因亦手錄一冊內多  
疑為當再覓他本校之

嘉慶甲戌四月松尚齋先曾記於從好齋



所安遺集一冊去夏手錄

敦夫先生欲購是書因以奉贈第抄手惡劣  
中效譌字尚求是正 乙亥夏五光曾識



